

影印
文淵閣

四庫全書

影印

文淵閣四庫全書

第一四三四冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

御定佩文齋詠物詩選（三）

清 張玉書
汪 霏 等奉敕編……………一

欽定四庫全書

御定佩文齋詠物詩選卷二百七十六

集部

詳校官侍郎_臣李封
主事銜_臣徐以坤覆勘

總校官檢討_臣何思鈞
校對官中書_臣高 中
謄錄監生_臣楊其梓

欽定四庫全書

御定佩文齋詠物詩選卷二百七十六

總花類

五言古

落花

梁蕭子範

綠葉生半長繁英早自香
因風亂蝴蝶未落隱鷓鴣黃飛
來入斗帳吹去上牙牀
非是迎冬質寧可值秋霜

賦得岸花臨水發

陳張正見

欽定四庫全書

御定佩文齋詠物詩選
卷二百七十六

奇樹滿春洲落葉映江浮
影間蓮花石光涵濯錦流漾
色隨桃水飄香入桂舟
別有仙潭菊含芳獨向秋

和王褒詠摘花

北周明帝

玉腕承花落花落花中芳
酒浮花不沒花含酒更香

詠園花

北周庾信

暫往春園傍聊過看果行
枝繁類金谷花雜映河陽
自紅無假染真白不須妝
燕送歸菱井蜂銜上蜜房
非是金爐氣何關柏殿香
衰衣偏定好應持奉魏王

于闐採花

隋樂府

山川雖異所草木尚同春亦如溱洧地自有採花人

浮遊花

隋辛德源

窗中斜日照池上落花浮若畏春風晚當思秉燭遊

灋上與幼遐月夜登西岡翫花

唐韋應物

置酒臨高隅佳人自城闕已翫滿川花還看滿川月花

月方浩然賞心何由歇

欽定四庫全書

御定佩文韻府詩選
卷二百七十六

二

對雜花

韋應物

朝紅爭景新夕素含露翻妍姿如有意流芳復滿園單

棲守遠郡永日掩重門不與花爲偶終遣與誰言

賦得春晚餘花落

唐李益

雷春春竟去春去花如此蝶舞繞應稀鳥驚飛詎已衰

紅亂故萼繁綠扶凋藥自委不勝愁庭風那更起

東坡種花

唐白居易

持錢買花樹城東坡上栽但購有花者不限桃杏梅百

果叅雜種千枝次第開天時有早晚地力無高低紅者

霞豔豔白者雪皚皚遊蜂逐不去好鳥亦棲來前有長

流水下有小平臺時拂臺上石一舉風前杯花枝蔭我

頭花藥落我懷獨酌復獨詠不覺月平西巴俗不愛花

竟春無人來惟此醉太守盡日不能迴

買花

白居易

帝城春欲暮喧喧車馬度共道牡丹時相隨買花去貴

賤無常價酬直看花數灼灼百朵紅萋萋五束素上張

欽定四庫全書

御定佩文韻府詩選
卷二百七十六

三

幄幕庇旁織芭籬護水灑復泥封移來色如故家家習

爲俗人人迷不悟有一田舍翁偶來買花處低頭獨長

歎此歎無人喻一叢深色花十戶中人賦

觀花有感

元虞集

挂巾花樹枝酌酒花樹下風吹巾上塵花落手中竿清

唱起相壽毋遽且聊暇流光急去人莫怪行樂者

詠井底花移贈李太常

明郭第

素綆夜不垂寒波曉含潔嬌英被銀牀歲蕤弄澄澈對

月還對鏡堪賞那堪折細讀太常詩冷然瑩冰雪

七言古

風雨看舟前落花戲爲新句 唐 杜甫

江上人家桃樹枝春寒細雨出疎籬影遭碧水潛勾引
風妬紅花却倒吹吹花困懶傍舟楫水光風力俱相怯
赤憎輕薄遮人懷珍重分明不來接濕久飛遲半欲高
紫沙惹草細於毛蜜蜂蝴蝶生情性偷眼蜻蜓避百勞

買花謠

唐 劉言史

欽定四庫全書

御定佩文齋詠物詩選
卷二百七十六

四

杜陵邨人不田穡入谷經谿復緣壁每至南山草木春
即向侯家取金碧幽豔凝花春景曙採來攜得將何處
蝶惜芳叢送下山尋斷孤香始回去豪少居連鵲鵲東
千金使買一枝紅院多花少栽未得零落綠蛾纖指中
咸陽親戚長安里無限將金買花子澆紅濕綠千萬家
青絲玉轡聲啞啞

落花

宋 孔平仲

嶺南冬深花照灼比至春初花已落乘閒攜酒到西園

鳥散蜂歸春寂寞江南此際春如何紅杏海棠開正多
歸期不及春風日猶見池塘著綠荷

惜花

宋 文同

遊蜂採花花氣薄黃鳥啄花花藥落林風吹花花片亂
池水浸花花色惡少年惜花花會意晴張青幃雨油幕
勸君直須爲花飲明日春歸空晚萼

飛花行贈馬衢州時馬在建譽別業

元 戴表元

欽定四庫全書

御定佩文齋詠物詩選
卷二百七十六

五

山上風花山下飛花飛欲盡山翁歸歸來亦自忘行跡
但覺滿地紅依依餘花更惜隨春去谿上遊人山下路
戀家漁父斷來蹤難老劉郎記前度花開花落春風前
我昔與翁同少年祇今鶴去但華表何處鳥啼悲杜鵑
遊人自遊春自暮從翁問花花不語且當向花日日醉
醉倒花前學花舞

惜花

明 高啟

惜花不是愛花嬌賴得花開伴寂寥樹樹長懸鈴索護

叢叢頻引鹿盧澆幾回欲折花枝喚心恐花傷復停手
每來花下每題詩不到花前不持酒准擬看花直盡春
春今未盡已愁人纔畱片夢依前砌全落千英過別隣
懊惱園中妬花女畫簷不禁狂風雨流水殘香一夜空
黃鸝魂斷無言語縱有星星在蘇衣拾來已覺損光輝
只應獨背東窗卧夢裏相隨高下飛

賣花詞

高啟

綠盆小樹枝枝好花比人家別開早陌頭擔得春風行

欽定四庫全書

御定佩文齋詠物詩選
卷二百七十六

六

美人出簾間叫聲移去莫愁花不活賣與還傳種花訣
餘香滿路日暮歸猶有蜂蝶相隨飛買花朱門幾回改
不如擔上花長在

雨中看花

明楊基

青青楊柳深深竹雨裏絳桃開一簇羞將瘦蹇逐金鞍
著屐看花仍不俗花枝淨洗胭脂面老眼驚如夢中見
已撩春色過三分何止東風吹一片只恐天晴是暮春
半隨流水半成塵淡煙芳草長千路作意能來有幾人

邀方員外看花

楊基

金昌亭西萬株花胭脂玉雪爭紛拏春風攜酒看花去
騎馬徑到山人家花深樹密無徑入下馬徘徊映花立
紫萼風微翠袖香紅絲露重烏巾濕別來幾負看花期
客裏怱怱見一枝白下橋邊寒食後廣陵城外綠陰時
今年花最逢春早准擬清樽對花倒人意方邀酒伴來
花枝已向東風老花雖漸老仍堪折猶勝紛紛滿蹊雪
且共芙蓉幕裏人坐看海棠枝上月

欽定四庫全書

御定佩文齋詠物詩選
卷二百七十六

七

賣花篇

明黃德水

日南氣候天下奇四序皆如三月時邠風謾賦爲裘什
越俗空傳采葛詩泉甘土沃山川美長日花開爛於綺
不論秋去有蘭蓀寧獨春來盛桃李初景曛曛萬戶開
焚童駱驛賣花來一筐新藥朝纔摘數種奇葩歲自栽
曲房小閣開妝篋紫貝青蛱走輕屨若箇簾前飛墮英
誰家門外無殘葉參珠間玉闌光輝踏青拾翠弄芳菲
花房剩有瑤臺露滴盡儂家金縷衣

五言律

和楊舍人詠中書省花樹

唐 張文琮

華萼映芳叢參差間早紅因風時落砌雜雨乍浮空影
照鳳池水香飄雞樹風豈不愛攀折希君懷袖中

花底

唐 杜甫

紫萼扶千藥黃鬚照萬花忽疑行暮雨何事入朝霞恐
是潘安縣堪畱衛玠車深知好顏色莫作委泥沙

南池落花

唐 羊士諤

欽定四庫全書

御定佩文齋詠物詩選
卷二百七十六

八

蟬噪城溝水芙蓉忽已繁紅花迷越豔芳意過湘沅湛
露宜清暑披香正滿軒朝朝祇自賞穠李亦何言

惜落花

唐 白居易

夜來風雨急無復舊花林枝上三分落園中二寸深日
斜啼鳥思春盡老人心莫怪添杯飲情多酒不禁

賦得雨後花

唐 元稹

紅芳憐靜色深與雨相宜餘滴下纖藥殘珠墜細枝浣
花江上思啼粉鏡中窺念此低徊久風光幸一吹

贈子直花下

唐 李商隱

池光忽隱牆花氣亂侵房屏綠蝶畱粉窗油蜂印黃官
書推小吏侍史從清郎並馬更吟去尋思有底忙

晚春花

唐 項斯

陰洞日光薄花開不及時當春無半樹經晚足空枝疎
與香風會細將泉影移此中人到少開盡幾人知

題友人山花

唐 方干

欽定四庫全書

御定佩文齋詠物詩選
卷二百七十六

九

平明方盡折為得好風吹不見移來日先愁落去時濃
香熏疊葉繁朵壓卑枝來看皆終夕遊蜂似有期

落花

唐 李咸用

拾得移時看重思造化功如何飄麗景不似遇春風滿
地餘香在繁枝一夜空祇應公子見先憶墜樓紅

賦得花影

明 王偁

欲拂更紛紛空香寂不聞亂迷芳蝶夢輕護錦苔紋襯
月籠書幌因風颺舞裙莫移庭下步蹴碎一階雲

花殘

明 蔣山卿

寂寂門空閉
菲菲花欲殘
賞心不相見
對酒若爲歡

明
劉承直

徑芳煙靄疎
簾細雨寒
一年春又謝
惆悵思無端

延季居士種花詩

明
王醇

誰能了空意
因示數枝春
色但隨根現
花聊過眼新
護香栽刺偏
界綠委泉勻
豈必來遊者
方爲借翫人

五言排律

夏日裴尹員外西齋看花

唐
楊巨源

笑向東來客
看花枉在前
始知清夏月
更勝豔陽天
露

欽定四庫全書

御定佩文韻府詩選
卷二百七十六

十一

濕呈妝汗風
吹畏火燃蔥
龍和葉盛爛
熳壓枝鮮紅
彩當鈴閣清
香到玉筵蝶
棲驚曙色鶯
語滯晴煙得
地殊堪賞過
時倍覺妍芳
菲遲最好惟
是謝家憐

花邨六韻

唐
吳融

地勝非離郭
花深故號邨
已憐梁雪重
仍愧楚雲繁
山近當吟冷
泉高入夢喧
依稀小有洞
邂逅武陵源
月好頻依座
風輕莫閉門
流鶯更多思
百轉待黃昏

賦落花以宋元憲金谷樓危到地香得香字

英華本天性
開謝任年光
自是春風改
那因夜雨傷
低

徊飄綺席在
萼度雕牆翠
霧當窗合紅
雲匝地香點
泥登燕壘添
蜜入蜂房剪
綵誇西苑成
妝詫壽陽角
哀翻

塞曲徑遠誤
漁郎但使靈
根在重看錦
樹芳

六言律

落花

唐
李中

殘紅引動詩
魔懷古牽情
奈何半落銅
臺月曉亂飄
金

欽定四庫全書

御定佩文韻府詩選
卷二百七十六

十一

谷風多悠悠
旋逐流水片
片輕粘短莎
誰見長門深
鎖黃昏細雨
相和

七言律

山花

唐
錢起

山花照塢復
燒谿樹樹枝
盡可迷野客
未來枝畔立
流鶯已向樹
邊啼從容只
是愁風起春
纔常須向日
西別有妖妍
勝桃李攀來
折去亦成蹊

西省對花憶
忠州東坡新
花樹因寄題
東樓

唐白居易

每看闕下丹青樹不忘天邊錦繡林
西掖垣中今日眼南賓樓上去年心
花含春意無分別物感人情有淺深
最憶東坡紅爛熳野桃山杏水林檎

闔閭城北有賣花翁討春之士往往造焉因招

襲美

唐陸龜蒙

故城邊有賣花翁水曲舟輕去盡通
十畝芳菲爲舊業一家煙雨是元功
閒添藥品年年別笑指生涯樹樹紅

欽定四庫全書

御定佩文齋詠物詩選
卷二百七十六

十三

若要見春歸處所不過攜手問東風

魯望以花翁之什見招因次韻酬之

唐皮日休

九十攜鋤偃僂翁小園幽事盡能通
斷烟裁藥爲身計負水澆花是世功
婚嫁定期杉葉紫蓋藏應待桂枝紅
不知家道能多少只在勾芒一夜風

對花

唐秦韜玉

長與韶光暗有期可憐蜂蝶却先知
誰家促席臨低樹

何處橫釵戴小枝麗日多情疑曲照
和風得路合偏吹向人難道渾無語
笑勸王孫到醉時

惜花

唐李建勳

淡淡西園日又垂一樽何忍負芳枝
莫言風雨長相促直是晴明得幾時
心破只愁鶯踐落眼穿唯怕客來遲
年年使我成狂叟腸斷紅箋幾首詩

玉堂栽花周正孺有詩次其韻

宋蘇軾

欽定四庫全書

御定佩文齋詠物詩選
卷二百七十六

十三

故山桃李半荒榛粗報君恩便乞身
竹簟暑風招我老玉堂花藥爲誰春
纖纖翠蔓詩催發皎皎霜葩鬢闕新
只有來禽青李帖他年畱與學書人

看花

宋曾鞏

春來日日探花開紫陌看花始此回
欲賦妍華無健筆擬酬芳景怕深杯
但知抖擻紅塵去莫問翦鬢白髮催
更老風情轉應少且邀佳客試徘徊

落花

元郝經

彩雲紅雨暗長門翡翠枝餘萼綠痕桃李東風蝴蝶夢
關山明月杜鵑魂玉闌煙冷空千樹金谷香銷謾一尊
狼藉滿庭君莫掃且畱春色到黃昏

花信

元黃湑

已覺尋芳去較遲千林紅紫總紛披幾經夜雨能無恙
試問春風竟不知斜日遊蜂應有夢野亭立馬已多時
殷勤却是江南客曾擘冰霜寄一枝

賣花聲

元謝宗可

欽定四庫全書

御定佩文齋詠物詩選
卷二百七十六

十四

春光叫偏費千金紫韻紅腔細細吟幾處又驚遊冶夢
誰家不動惜芳心暗穿紅霧樓臺曉清逐香風巷陌深
妝鏡美人聽未了繡簾低揭畫簷陰

春半採花

元洪希文

芳菲著雨便成苔問訊東君幾日回閨月不曾花下去
今朝偶到樹邊來幾何間闊鶯偏老如此生疎蝶也猜
流水時光容易過舉頭枝上已青梅

落花詩

明沈周

飄飄蕩蕩復悠悠樹底追尋到樹頭趙武泥塗知辱雨
秦宮脂粉惜隨流癡情戀酒粘紅袖急意穿簾泊玉鈎
欲拾殘芳擣為藥傷春難療箇中愁

其二

夕陽無賴小橋西春事闌珊意亦迷錦里門前谿好浣
黃陵廟裏鳥還啼楚追螺甲教香史煎帶牛酥嚼膳娛
萬寶千鈿真可惜歸來直欲滿筐攜

花魂

明朱之蕃

欽定四庫全書

御定佩文齋詠物詩選
卷二百七十六

十五

交枝低亞葉紛披舞影飄香化日遲紅顏曉酣微困酒
粉痕宵褪苦搜詩追從蜂蝶應難定倦聽笙歌有所思
尋徧天涯芳草路三生石上月明時

落花

朱之蕃

春宵花月照春江瀉影流香繞客艣廣野芳魂招不得
一天愁緒總難降啄餘燕嘴歸高棟粘向蜂鬚入小窗
燈下簾垂寂無語似隨紅燼墜銀釭

其二

催花遣使憶新銜又報春歸燕語喃園月和煙霏曲徑
江風帶雨灑孤帆亂飄不羨吳姬舞遠寄無勞驛使緘
藉坐錦茵新釀熟待嘗櫻笋試羅衫

種花

明李流芳

為園數畝未言賒鑿沼疏泉手灌花花欲疎疎仍密密
枝頭整整復斜斜漸看節序皆芳候不放風光到別家
最愛南榮冬日暖蠟梅一樹映山茶

五言絕句

欽定四庫全書

御定佩文韻府詩選
卷二百七十六

十六

贈李十四

唐王勃

小徑偏宜草空庭不厭花平生詩與酒自得會仙家
其二

亂竹開三徑飛花滿四隣從來揚子宅別有尚玄人

林塘懷友

王勃

芳屏畫春草仙杼織朝霞何如山水路對面即飛花

題鑒上人房

唐宋之問

落花使樹積芳草一庭春翫之堪興盡何必見幽人

喜入長安

唐崔湜

雲物能催曉風光不惜年賴逢征路盡歸在落花前

玉真公主山居

唐儲光義

山北天泉苑山西鳳女家不言沁園好獨隱武陵花

江南曲

儲光義

日暮長江裏相邀歸渡頭落花如有意來去逐船流

河上逢落花

唐萬楚

河水浮落花花流東不息應見浣紗人為道長相憶

欽定四庫全書

御定佩文韻府詩選
卷二百七十六

十七

送子婿往揚州

唐劉長卿

半邏鶯滿樹新年人獨還落花逐流水共到茱萸灣

代人乞花

唐李益

繡戶朝眠起開簾滿地花春風解人意吹落妾西家

花鳥

唐韓愈

蜂蝶去紛紛香風隔岸聞欲知花鳥處水上覓紅雲

花源

韓愈

源上花初發公應日來丁寧紅與紫慎勿一時開

惜花

唐 張籍

山中春已晚處處見花稀明日來應盡林間宿不歸

酬范侍御

唐 鮑溶

玉管傾杯樂春園鬪草情野花無限意處處逐人行

其二

相勸醉年華莫醒春日斜春風宛陵道萬里肯陽花

惜花

唐 施肩吾

落盡萬株紅無人解繫風今朝芳徑裏惆悵錦機空

欽定四庫全書

御定佩文韻府詩選
卷二百七十六

十八

高花

唐 李商隱

花將人共笑籬外露繁枝宋玉臨江宅牆低不礙窺

雜題

唐 司空圖

孤枕聞鶯起幽懷獨悄然地融春力潤花泛曉光鮮

賞殘花

唐 綰干著

零落多依草芳香散著人低簷一枝在猶占滿堂春

月夜汎舟

唐 僧法振

西塞長雲盡南湖片月斜汎舟人不見卧入武陵花

雙池

宋 蘇軾

沂流入城郭疊疊渡千家不見雙池水長漂十里花

花塢

宋 文同

繚繞穿紅萼欄斑踏紫苔誰將錦步障端為使君開

花

明 張羽

能白更兼黃無人亦自芳寸心原不大容得許多香

落花

明 薛蕙

今朝捲簾坐時見一花飛不惜芳菲盡春風稍稍稀

欽定四庫全書

御定佩文韻府詩選
卷二百七十六

十九

六言絕句

山居樂

明 李言恭

一徑杳無車馬萬山忽有人家相問不知歲月惟見開

花落花

七言絕句

惜花

唐 郭震

豔拂衣襟藥拂杯遠枝閒共蝶徘徊春風滿目還惆悵

半欲離披半未開

宴春源

唐 王昌齡

源向春城花幾重
江明深翠引諸峯
與君醉失松谿路
山館寥寥傳暝鐘

西廵歌

唐 李白

水綠天青不起塵
風光和暖勝三秦
萬國煙花隨玉輦
西來添作錦江春

江畔獨步尋花

唐 杜甫

江深竹靜兩三家
多事紅花映白花
報答春光知有處

欽定四庫全書

御定佩文韻府詩選
卷二百七十六

二十

應須美酒送生涯

送王卿

唐 韋應物

別酌春林啼鳥稀
雙旌背日晚風吹
却憶回來花已盡

東郊立馬望城池

贈張千牛

唐 韓翃

蓬萊闕下是天家
上苑新回白鼻騮
急管畫催平樂酒

春衣夜宿杜陵花

河中府崇福寺看花

唐 盧綸

聞道山花如火紅
平明登市已經風
老僧無見亦無說
應與看人心不同

殘花

唐 楊凝

五馬踟躕在路岐
南來只爲看花枝
鶯銜蝶弄紅芳盡
此日深閨那得知

和陳閣老當直從東省過史館看花

唐 權德輿

晝漏沈沈倦瑣闌
西垣東觀闕芳菲
繁花滿地似畱客

欽定四庫全書

御定佩文韻府詩選
卷二百七十六

二十一

應爲主人休澣歸

同諸公夜宴監軍翫花之作
唐 武元衡

五侯門館百花繁
紅燭搖風白雪翻
不似鳳凰池畔見

飄揚今隔上林園

看花

唐 羊士諤

一到花間一忘歸
玉杯瑤瑟減光輝
歌筵更覆青油幕
忽似朝雲瑞雪飛

送廖參謀東遊

唐 劉禹錫

九陌逢君又別離行雲別鶴本無期
望嵩樓上忽相見看過花開花落時

詔追赴都

唐柳宗元

十一年前南渡客四千里外北歸人
詔書許逐陽和至驛路開花處處新

落花

唐韓愈

已分將身著地飛那羞踐踏損光輝
無端又被春風誤吹落西家不得歸

欽定四庫全書

御定佩文韻府詩選
卷二百七十六

二十三

風折花枝

韓愈

浮豔侵天難就看清香撲地只遙聞
春風也是多情思故棟繁枝折贈君

遊太平公主山莊

韓愈

公主當年欲占春故將臺榭壓城闌
欲知前面花多少直到南山不屬人

登科後

唐孟郊

昔日齷齪不足誇今朝放蕩思無涯
春風得意馬蹄疾

一日看遍長安花

九華觀看花

唐張籍

街西無數閒遊處不似九華仙觀中
花裏可憐池上景幾重牆壁貯春風

山中主人

唐楊巨源

十里青山有一家翠屏深處又添霞
若為說得谿中事錦石和煙四面花

春晚遊鶴林寺

唐李涉

欽定四庫全書

御定佩文韻府詩選
卷二百七十六

二十三

野寺尋花春已遲背巖唯有兩三枝
明朝攜酒猶堪賞為報春風且莫吹

衡州夜後把火看花畱客絕句

唐呂溫

紅芳暗落碧池頭把火遙看且少畱
半夜忽然風更起明朝不復上南樓

伏翼西洞送人

唐陳羽

洞裏春晴花正開看花出洞幾時回
殷勤好去武陵客

莫引世人相逐來

宮詞

唐

王建

五更三點索金車盡放宮人出看花仗下一邊催立馬

殿頭先報內園家

于主簿廳看花

王建

小葉稠枝粉壓堆暖風吹動鶴翎開若無別事為畱滯

應便拋家宿看來

看花屋

唐

白居易

欽定四庫全書

御定佩文韻府詩選
卷二百七十六

三十四

忽驚暎樹新開屋却似當簷故種花可惜年年紅似火

今春始得屬元家

惜落花贈崔二十四

白居易

漠漠紛紛不奈何狂風急雨兩相和晚來悵望君知否

枝上稀疎地上多

別種東坡花樹

白居易

花林好住莫顛顚春至但知依舊春樓上明年新太守

不妨還是愛花人

僧院花

白居易

欲悟色空為佛事故栽芳樹在僧家細看便是華嚴偈
方便風開智慧花

花栽

唐

元稹

買得山花一兩栽離鄉別土易摧頽欲知北客居南意
看取南花北地來

宮詞

唐

王涯

春風擺蕩禁花枝寒食鞦韆滿地時又落深宮石渠裏

欽定四庫全書

御定佩文韻府詩選
卷二百七十六

三十五

盡隨流水入龍池

題郵亭殘花

唐

張祜

雲暗山橫日欲斜郵亭下馬對殘花自從身逐征西府
每到花時不在家

同友人看花

唐

朱慶餘

尋花不問春深淺縱是殘紅也入詩每箇樹邊行一市

誰家園裏最多時

春日餐霞閣

唐

施肩吾